



Broj: 10/E-11-6573/25
Sarajevo, 26-12-2025 . godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama BiH („Službeni glasnik BiH“, broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine (u daljem tekstu: Komisija II), u postupku javne nabavke - Izvođenje radova na tekućem održavanju stepeništa u ulici Kaptol, putem konkurentskog zahtjeva za dostavu ponuda (Zapisnik broj: 10/E-11-6573/25 od 17.12.2025. godine), Općinski načelnik donosi:

O D L U K U **o poništenju postupka javne nabavke**

I

Poništava se postupak javne nabavke - Izvođenje radova na tekućem održavanju stepeništa u ulici Kaptol, putem konkurentskog zahtjeva za dostavu ponuda, iz razloga što primljena ponuda nije prihvatljiva.

II

Ova Odluka se dostavlja ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.

III

Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke - Izvođenje radova na tekućem održavanju stepeništa u ulici Kaptol, pokrenut je Odlukom o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-6573/25 od 24.11.2025. godine.
Predmetna nabavka nije podijeljena na lotove.

Procijenjena vrijednost nabavke bez uračunatog PDV-a ukupno iznosi 50.980,00 KM.
Obavještenje o nabavci broj: 848-7-3-149-3-238/25 objavljeno je dana 3.12.2025. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (16.12.2025. godine do 11:00 sati), na adresu Ugovornog organa primljena je 1 (jedna) ponuda ponuđača „KLICOTRANSGRADNJA“ d.o.o. Sarajevo, što je evidentirano u Zapisniku o otvaranju ponuda, broj: 10/E-11-6573/25 od 16.12.2025. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude i rok izvođenja radova, kako slijedi:

r/b	Ponuđač	Ukupno bez PDV-a (KM)	Popust (%)	Rok izvođenja radova (kalendarski dani)
1.	„KLICOTRANSGRADNJA“ d.o.o. Sarajevo	56.723,00	/	25 (dvadesetpet)

* Ponuđač nije u ponudi naveo da nudi popust niti je popust posebno iskazan u obrascu za cijenu

Komisija za nabavku roba, usluga i radova II (u daljem tekstu: Komisija II), nakon provedenog javnog otvaranja ponuda, te izvršenog pregleda ponude, utvrdila je da je ponuda ponuđača „KLICOTRANSGRADNJA“ d.o.o. Sarajevo neprihvatljiva, u smislu člana 2. stav (1) tačka I) alineja 2) Zakona o javnim nabavkama („Službeni glasnik BiH“, br. 29/14, 59/22 i 50/24).

Komisija II svoju ocjenu zasniva na sljedećem:

Pregledom Obrasca za cijenu ponude (Aneks 2), koji čini sastavni dio ponude ponuđača, Komisija II je utvrdila da je ponuđač u rekapitulaciji troškova, na strani 13 ponude, ponudio cijenu radova u ukupnom iznosu od **56.723,00 KM bez PDV-a**, odnosno **66.365,91 KM sa PDV-om**.

Navedeni iznos premašuje ukupnu procijenjenu vrijednost predmetne javne nabavke za izvođenje radova na tekućem održavanju stepeništa u ulici Kaptol.

Imajući u vidu navedeno, Komisija II je ocijenila da je predmetna ponuda neprihvatljiva, budući da ponuđena cijena prelazi procijenjenu vrijednost nabavke, odnosno osigurana novčana sredstva Ugovornog organa za realizaciju predmetne javne nabavke.

U Poglavlju 3 – OPŠTI PODACI O POSTUPKU JAVNE NABAVKE, tačka 3.4. tenderske dokumentacije, jasno je navedeno da ukupna procijenjena vrijednost nabavke iznosi **50.980,00 KM bez PDV-a**, a ista je utvrđena od strane Ugovornog organa u skladu sa članom 15. stav (1) tačka a) Zakona o javnim nabavkama.

Odredbom člana 2. stav (1) tačka I) alineja 2) Zakona o javnim nabavkama propisano je da je neprihvatljiva ponuda čija cijena premašuje planirana, odnosno osigurana novčana sredstva ugovornog organa za konkretnu javnu nabavku, kao i ponuda ponuđača koji ne ispunjava uslove za kvalifikaciju privrednog subjekta.

Saglasno odredbama člana 15. Zakona o javnim nabavkama, Ugovorni organ je procijenjenu vrijednost ugovora o javnoj nabavci radova tekućeg održavanja stepeništa utvrdio na osnovu ukupnog iznosa koji će platiti za predmetne radove, bez poreza na dodatu vrijednost (PDV).

Dalje, članom 15. stav (2) tačka c) Zakona o javnim nabavkama propisano je da je u određivanju procijenjene vrijednosti javne nabavke robe, usluga ili radova ugovorni organ dužan uključiti sve elemente cijene koje plaća za nabavku te robe, usluga ili radova.

Članom 17. stav (2) tačka h) Zakona o javnim nabavkama propisano je da je procijenjena vrijednost javne nabavke obavezan podatak za svaku pojedinačnu nabavku obuhvaćenu planom nabavki, dok je članom 53. stav (3) istog Zakona propisano da tenderska dokumentacija, između ostalog, mora sadržavati i podatak o procijenjenoj vrijednosti nabavke.

Objavom tenderske dokumentacije na Portalu javnih nabavki Bosne i Hercegovine (www.ejn.gov.ba), potencijalnim ponuđačima je omogućeno da se, pored ostalih relevantnih informacija u vezi sa predmetnom nabavkom, upoznaju i sa procijenjenom vrijednošću nabavke, te da, uzimajući u obzir sve zahtjeve Ugovornog organa u pogledu strukture cijene ponude, formiraju cijenu ponude koja ne prelazi navedeni iznos procijenjene vrijednosti, bez PDV-a.

S obzirom na sve naprijed navedeno, Komisija II je, u skladu sa važećim zakonskim odredbama, ponudu ponuđača „KLICOTRANSGRADNJA“ d.o.o. Sarajevo isključila iz daljeg postupka pregleda i evaluacije ponuda kao neprihvatljivu.

Odredbom člana 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24) propisano je da je ugovorni organ obavezan poništiti postupak javne nabavke u slučaju kada nijedna od zaprimljenih ponuda nije prihvatljiva.

U skladu sa navedenim, Komisija za nabavku roba, usluga i radova II je na sjednici održanoj dana 17.12.2025. godine, putem javnog glasanja, jednoglasno donijela zaključak kojim Općinskom načelniku, kao rukovodiocu ugovornog organa, predlaže da, na osnovu člana 69. stav (2) tačka d) Zakona o javnim nabavkama, donese odluku o poništenju postupka javne nabavke – Izvođenje radova na tekućem održavanju stepeništa u ulici Kaptol, o čemu je sačinjen Zapisnik o pregledu i ocjeni ponuda broj: 10/E-11-6573/25 od 17.12.2025. godine.

Opštinski načelnik u postupku predmetne nabavke nije našao razloge niti nepravilnosti u radu Komisije II koji bi bili osnov za neprihvatanje prijedloga Komisije II, te je u skladu sa članom 70. stav (1) i (4) Zakona o javnim nabavkama donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 1.200,00 KM u skladu sa članom 108. stav (1) tačka b) Zakona o javnim nabavkama.

Žalba se podnosi u dovoljnom broju primjeraka, koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-6573/25 od 17.12.2025. godine.

**Dostaviti:**

1. Ponuđaču: "KLICOTRANSGRADNJA" d.o.o. Sarajevo
ulica Lapišnica bb, 71000 Sarajevo
2. Službi za stambene i komunalne poslove
3. Kabinetu općinskog načelnika – Odsjek za javne nabavke
4. U spis